



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Metropolis Salisbvr gensis

Continens. Fvndationes Et Erectiones Monasteriorvm, Et Ecclesiarum  
Collegiatarum, &c. per Boiarum, ac loca quædam vicina

**Hund, Wiguleus**

**Monachii, 1620**

Catalogus quorundam Praepositorum Ecclesiae Collegiatae S. Viti.

**urn:nbn:de:hbz:466:1-13591**

Dominicæ Millesimo Quadringentesimo Nonagesimo tertio. Quinto Idus Martij, Pontificatus nostri anno primo.

Catalogus quorundam Præpositorum Ecclesie Collegiatæ S. *Viti*.

- Dn. ANDREAS *Zirnberger* Decretorum D. an. 1498.  
 VITVS *Meller* Canonicus *Augustanus* Iuris vtriusque Doctor litterarum Apostolicarum, sollicitator, & summi Pont. *Iulij*, III. familiaris fornicario opere fieri curauit templum sancti *Viti* tum propriis, tum supradicti *Andree Zirnpergeri* consanguinei sui relictis bonis ac sumptibus anno 1510.  
 IACOBVS *Meller* LL. Doct. Canon. *Augustanus* an. 1545.  
 LEO *Lösch* Canonicus *Frisingen.* resignauit, factus Episcopus *Frisingen.* an. 1552.  
 GEORGIUS. *Stengl* Canon. *Frisingen.*  
 HIERONYMVS *Bushidius*.  
 CORNELIUS de *Rosenthal* Prænotarius Apostolicus ob. ann. 1571.  
 CHRISTOPHORVS *Keller* Canonicus *Augustanus* accepit possessionem ann. 1571.  
 EBERHARDVS.  
 LVDOVICVS à *Pienzennaur*.  
 NICOLAUS *Manzinger*.  
 CHRISTOPHORVS *Rechlinger* Augustan. IV. D. Canonicus Scholasticus & officialis *Frisingen.* modernus Præpositus,

V N D E N S T O R F.

MONASTERIUM ad Gelonum fluuium Ordinis S. Augustini Canon. Regularium Anno 1126. regnante Lothario, nobilis vir Otto Palatinus Comes de *Vvitlspace* maior: Pater Ottonis postea Ducis *Bauariæ*, ædificare cœpit *Vndenstorfense* Monasterium, in honorem Dei omnipotentis, B. Mariæ Virginis, nec non S. S. Apostolorum Petri & Pauli. Anno autem 1131 ab Innocentio secundo confirmationem impetrauit, cuius Bulla extat. Idem quoque Innocentius Præpositum primum nomine *Rupertum*, ex quodam Monasterio dicto *Marpach*, ad Ottonis prædicti preces, per Apostolica scripta postulari mandauit ac sanciuit, Vt nullus Præpositus per violentiam, sed per fratres secundum Regulam beati Augustini liberè eligatur ac constituatur. Prædictus Otto de *Vvitlspace* prædium suum *Vndenstorf* tradidit Monasterio, quam traditionem confirmauit Lotharius Imperator, Anno 1130, iuxta tenorem Diplomatis, quod ita sonat:

IN nomine Sanctæ & Indiuiduæ TRINITATIS, Lotharius diuina fauente Clementia Romanorum Rex: Pauperibus Christi subuenire, & Deo in omnibus deuotè seruire est regnare. Quapropter omnium Dei nostriq; fidelium, tam præsentium, quàm futurorum nouerit industria, qualiter nos traditione ab *Ottone de Vndenstorf* de prædio suo ibidem sito factam, regia potestate & autoritate confirmauimus, confirmatam corroborauimus. Hæc traditio sic facta est; Ipse Otto præscriptus, eorum prædium suum *Vndenstorf*, quod situm est in Episcopatu *Frisingensi*, & in Comitatu *Hartuici de Kregelingen*, Christi pauperibus ibidem sub regula S. Augustini militantibus, in proprium tradidit,

*Metrop. Salub. Tom. III.*

003

& de